

**Inatsisartunut aalajangiiffigisassatut siunnersuutigineqarpoq, akileraarutitigut ilanngaatisat il. il. 2017-mut imak angissusilerneqarnissaat:**

- 1. Inummut ilanngaat.....kr. 48.000 (ukiumut)**
- 2. Aalajangersimasuimk ilanngaat.....kr. 10.000 (ukiumut)**
- 3. Aningaasarsiat B-t akileraaruserneqanngitsut.....kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommunitut ataatsimut akileraarut.....6%**

### **Svarnotat**

(Aningaasaqarnermut Aatsitassanullu Naalakkersuisoq)

### **Aappassaaneerneqarnera**

Akileraarutitigut ilanngaatisanut siunnersuut aappassaaneerneqarneranut atatillugu Aningaasaqarnermut Akileraartarnermullu Ataatsimiititaliap isumaliutissiissutaannut Naalakkersuisut qujapput.

Maannakkuugallartoq allannguutit suut inummut akileraarutitigut aaqqissuusseqqinnerup nassatarissanerai Naalakkersuisut erseqqissarsinnaanngilai.

Naatsorsuutigineqassaarli, akileraartarnermut inatsisip allannguuteqarnerata saniatigut, isumaginninnermut inatsisini allanngortoqarnissaa, sulilernissamut minnerunngitsumillu ilinnialernissamut kajujuummissuteqarnissaa qulakkeerniarlugu.

Ilutigalugu ilisimatitsissutigineqassaaq Aningaasaqarnikkut ingerlatsineq pillugu nalunaarut 2016 - attassisinnaanissamut siuarsaanissamut pilersaarut, ataatsimiinnermi matumani immikkortoq 10-tut saqqummiunneqarnerani pisutsit pineqartut Naalakkersuisunit saqqummiussivineqarumaarmata.

Taama oqaaseqarlutik Naalakkersuisut siunnersuut akuerineqarnissaa innersuussutigaat.